



• 867-975-5050
• 867-975-5051
www.gov.nu.ca

- Havaqatigiiklugit havagviit talvani Pivalliyuliyikkut Ingilrayuliyitkullu (EDT), Havaktulijitkut, Kiinaujaliqitkutlu pivalliajaangat qanuriliurutikharnik, havaktakharnik upalungairutikharnik kikhivikharniklu auladjutikharnik nalaumadjutikharnik Nunalingni Kavamatkunillu Pivikhaqautikkutlu (CGS) Pivalliajuliyikkut Ingilrajuliyitkutlu (EDT) (2022-23);
- Pijaangat munaridjutiaqtun ihuaqhaidjutikharnik aulahimaaqtunik munagivikharnik igluqpangnik (2022-23);
- Havaqatigilugit Havagviat Havagviat Munaqhiliqijikkut (HEA) iniqtigijaangat napaktiqitunik Kivallirmi Hivutunirmik Munaqhivikharnik iglungit 2023nguqtinani; unalu
- Katimaqatigilugit Nunavunmi Iglulijurjuatkut (NHC) ikajuutikharnik ihuaqtunik nunat najugainik pivalliajutikharnik pidjutikharniklu nanmniqaqtunun nunanik pivalliajutikharnik igluliuqtunut napaqtiginiaqtunik (aulahimaaqtuq).

Ikajugianganiq malikhautikharnik hivunikharnik hanaqidjutingnik kavamaptingni, angirutiqagiihimaliqtutin imailiugiangat:

- Havaqatigilugit HEAkut qiniqhiajaangat pidjutikharnik qiniqhiajutikharnik napaqtirutikharnik talvani Qikiqtaaluk Kitikmeotmilu hivutunirmik munagivikharnik igluqpangminik (2022-23); unalu
- Havaqatigilugit Nunavut Igluliyiryuatkut (NHC) ihivriugianganiq GNkut piutigijaingit avatingnik havakpakhimajaingit atuqtauluangitun tutqugiaqaqtuniklu ihumaginiaqtangit pivalliaffagiaqaqtangit ikajugianganiq amigairjumiqhimaqunig iglulijit piutigijaingit (2023-24).

ILAUJUT KIURUTIKHANGIT

Havaktakharnik taima Kavamani Iglumi Hivuliqti, munagijakhajatin hapkuat:

- Munagidjutikharnik kavamangit havaqhangit talvani Maligaliurvingmi;
- Ikhivautaujukhaujuti katimajunun Atangujangit Katimajiingit taima malikhautitihimaaqtun hanaqidjutikhangit Nunavut Kavamanmi ihivriudjutikharnik; unalu
- Ilauhimaarlutinlu ilaujunun talvnai Angijukhiq Havaktiit Titiraqtingat, taima Ministait Katimajijujut.

Ihumajunga aulaniaqtutin ihuaqtunik aulahimaarniaqtutinlu havaqatigiikharnik tamainun ilaujunun talvani Ataniit Katimajijujuni, Ikhivautaq talvani Katimahimaaqtunuk Ilaunun Katimajit, Titiraqtiujurlu Maligaliurvingmi aulatitijaangat havaktakhagijangnik taima Kavamanmi Maligaliurvingmi Hivuliqtiunikkut.

Ilaujukharnik talvani atuqtakharnik piumaluaqtainik titiraqhimajut qaangani, kiugiaqaqtutinlu taimaitkuvin:

- Ilaujutlu Ministait Katimajiini Amigairjuminikkut Aalatqiinik Maniliurutikharnik
- Katimajijujut Ministangit Katimajit talvuuna Amigairjuminikkut Iglukhangit Igluqpangitlu

- Katimajijut Ministangit Katimajit, Piumaluaqtaujuunik, Upalungiarnikkut, Havaqatigiirnikkutlu

HAVAQATIGIIRNIKKUT

Katujjiluta atiinaungituaq uvani atuqtakhaptingniituaq. Malikhautikhaq hivunikhaliurutiqaqhimajuq naunairutiqaqtuaq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Iitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijutlu** aulatitijaangat iliqatigiiktakharnik aturniaqtaptingni;
- **Hviutunirmun akhuqhaidjutikharnik havaqatigiiktukharnik** Nunavut Tunngavikkut Timinga Avikturnirmiitun Inuit Katimajingit nalautitijaangat hanaqidjutikhaptingnik hivunirmun naunaitumun auladjutikharnun;
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik** talvani kavamanmi havakhimaaqtunik ikajuktunun; unalu
- **Tautuktitiimaarlutiklu Inuit inuuqatigiingnikkut akhuurutigijangit unalu Inuit Qaujimajatuqangit** hanaqidjutikharnik iniqtigijaangat naunaituaq hivutunikharnik allanguqtirutikharnik.

Tuglia Atangujatigun kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikahrnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptingnun.

Pittiarnikkut,



P.J. Akeeagok
Hivuliqti Nunavunmun

cc. Jimi Onalik, Tugliuyuaq Ministamun Tikkuqaqtauhimajununu Katimajit Titiraqti, Kavamaliqiyitkunni